

## Fructus Vitis sennatus.

*Passulae laxativae D. 50.*

### *Laxer-Korender.*

- R. Foliorum Sennae concisorum partes decem;..... 10  
 immittantur in tantam copiam  
 Aqvae communis bullientis,  
 ut post digestionem unius horae et expressionem fortem  
 colationemqve insequentem  
 partes quindecim ..... 15  
 efficiantur, quae cum  
 Sacchari albi partibus triginta ..... 30  
 ebulliendo in syrupum redigantur et continuo colentur.  
 Cum hoc syrupo adhuc calido commisceantur  
 Fructus Vitis viniferae apyrenae bene eluti partes  
 triginta, ..... 30  
 Corticis Cinnamomi Cassiae pulverati pars una..... 1  
 Post refrigerationem in vase clauso loco frigido servetur.

## Gallae.

*Gallae aleppenses D. 50.*

(*Gallae turcicae vel aleppenses nigrae Sv. 45. Gallae Quercus  
 infectoriae N. 54.*)

### *Galæbler.*

- Quercus infectoria Olivier nonnullaeqve species affines.  
 Exerescensiae ictu Cynipis Gallae tinctoriae natae, plus  
 minusve globosae, verrucoso-echinatae, ponderosae, durae, ple-  
 rumqve perforatae, colore e subviridi cinereo, obscuriore vel  
 pallidiore, manducatae adstringentes.

## Glandula Lupuli.

### *Lupulin.*

Humulus Lupulus L.

Pulvis aureo-flavus, deinde e luteo fuscus, subresinosus; constat ex glandulis minutis, brevissimis stipitibus instructis, subreniformibus, balsamo citrino repletis, odore peculiari, sapore amaro. Glandulae a strobulis Lupuli recens siccatis cribro setaceo separandae sunt nec ultra annum servandae.

Serventur in lagena diligenter clausa a luce remotae.

## Glycerinum.

### *Glycerin.*

Liquor limpidus, coloris et odoris expers, syrupi consistentia, ad chartam exploratoriam indifferens, ponderis specifici = 1,23, sapore subdulci, in qualibet copia Aqvae et Spiritus solubilis, in Aethere, Chloroformio, Oleis indissolubilis.

Solutione Oxalatis ammonici vel Sulphidi hydrici ne turbetur, neve cum Acido sulphurico nigrescat, cum Hydrate kalico soluto calefactus ne fuscescat.

## Gummi arabicum.

*Gummi Mimosae, Gummi Acaciae D. 50.*

(*Gummi arabicum Sv. 45. Gummi Acaciarum N. 54.*)

### *Arabisk Gummi.*

Acacia Seyal Delile. Acacia Ehrenbergiana, Acacia tortilis Hayne.

Frusta irregularia, plus minusve globosa vel angulata, varia magnitudine, diaphana, coloris expertia vel subflava, multis rimis parvis instructa; fracta in frustula parva, angulata, conchata, splendore vitreo nitentia, saepe iricoloria dissiliunt; odoris et saporis expertia sunt, manducata mucilaginosa

fiunt. Cum Aqva mucilaginem limpidam, quae Spiritu turbetur, facile praebent.

## Gummi-resina Ammoniacum.

*Ammoniacum s. Gummi Ammoniacum D. 50.*

(*Gummi ammoniacum Sv. 45. Gummi-resina Doremae armeniacy N. 54.*)

### *Ammoniakgummi.*

Dorema Ammoniacum Don.

Grana saepe conglutinata aut massae fuscae immixta, extrinsecus e flavo fusca, fractura conchata, lactea, pingviter nitida, in ramentis tenuibus diaphana, in frigore duriuscula, in calore mollescentia, pisi vel juglandis magnitudinem adaequantia, sapore nauseoso et amaro, odore gravi et peculiari; in Aqva trita fluidum lactescens praebent, in Spiritu ex parte solvi possunt.

Ad usum pharmaceuticum Gummi-resina frigori exposita terendo in pulverem redigatur, et quisquiliae cribro separentur. Servetur pulvis loco frigido et siccio.

## Gummi-resina Asa foetida.

*Asa foetida D. 50.*

(*Asa foetida Sv. 45. Gummi-resina Ferulae Asae foetidae N. 54.*)

### *Dyvelsdræk.*

Scorodosma foetidum Bunge. Narthex Asa foetida Falkoner.

Grana conglutinata aut massae fuscae immixta, extrinsecus e subrubro fusca, fractura leviter conchata, nuper fracta pingviter nitida et lactea, mox purpurascentia, denique sordide fuscascentia, in calore mollescentia, in frigore duriuscula, odore alliaceo, sapore ingratisimo. Cum Aqva trita emulsionem eam praebent; in Spiritu ex parte solvi possunt.

Ad usum pharmaceuticum pulverentur et servantur eodem modo, quo Gummi-resina Ammoniacum.

## Gummi-resina Galbanum.

*Galbanum D. 50.*

(*Galbanum Sv. 45. Gummi-resina Galbani officinalis N. 54.*)

### *Galbanum.*

*Ferula erubescens* Boissier.

Grana singularia vel conglutinata, colore flavescenti vel e rubro flavo vel e viridi fusco; manducata os urunt et sapore sunt amaro et acri, odore valde balsamico.

Ad usum pharmaceuticum pulverentur et serventur eodem modo, quo Gummi-resina Ammoniacum.

## Gummi-resina Gutta.

*Gummi Guttae D. 50.*

(*Gummi Gutta vel Gambogium Sv. 45. Gummi-resina Hebradendri Cambogioïdis N. 54.*)

### *Gummigut.*

Planta haud satis nota Siamensis.

Frusta cylindrata, solida, facile fragilia, marginibus subpellucida, fractura conchata ceraeqve instar nitentia, colore aurantiaco, trita citrina, madefacta laete flava, odore debilissimo, manducata initio saporis paene expertia, deinde subdulcia et os urentia. In Spiritu et Aethere ex parte solvi possunt, cum Aqva trita emulsionem laete flavam praebent, in Alkaliis causticis et carbonicis dilutis solutionem saturate aurantiacam exhibent, ex qua solutione, Acidis additis, resina citrina praecipitatur. Decoctum aqvosum post refrigerationem, Jodo addito, nullo alio colore quam fusco inficiatur.

## Gummi-resina Myrrha.

*Myrrha D. 50.*

(*Myrrha electa Sv. 45. Gummi-resina Balsamodendri Myrrhae N. 54.*)

### *Myrrha.*

Balsamodendron Ehrenbergianum Berg.

Frusta irregularia, varia magnitudine, extrinsecus pulvere tecta, superficie iniqua, interdum subrotunda, colore subflavo vel e rubro fusco, fragilia, fractura cerae instar nitentia, et colore ex rubro fusco, pallidiore vel obscuriore tincta, interdum venis pallidis trajecta; odore sunt peculiari et balsamico, sapore amaro. Pro majore parte in Aqva solutionem turbidam, e flavo fuscam praebent, pro minore parte in Spiritu solutionem e rubro flavam, quae, Acido nitrico addito, colore violaceo inficiatur.

---

## Gummi-resina Olibanum.

*Olibanum s. Thus D. 50.*

(*Se. 45. Gummi-resina Boswelliae serratae N. 54.*)

### *Virak.*

Boswelliae adhuc ignota species.

Grana oblonga vel rotunda, lacrimae formam exhibentia, varia magnitudine, extrinsecus pulvere inspersa, colore albido vel e subfusco flavo vel subrubro, facile fragilia, fractura cerea, manducata mollescentia vel diffuentia, sed majus vel minus residuum relinquentia, in ore frigoris sensum excitantia. Calefacta haud prorsus liqvescunt et odorem balsamicum spargunt. In Spiritu maxima ex parte solvi possunt, cum Aqva trita liqorem lacteum praebent.

---

## Gutta Percha.

### *Gutta Percha.*

Isonandra Gutta Hooker.

Tabulae complanatae, circiter quattuor millimetra crassae, quas mercatores venditant.